

La muntada da l'electric

«Terra Grischuna»: Dal chantun cun gronds implants idraulics

■ (anr/gc) Sco quai che cuss. gov. Mario Cavigelli, schef dal departament da construcziun, traffic e forestalesser, constatescha en l'editorial da la nova «Terra Grischuna» – deditgada al Grischun sco furnitur da blera forza idraulica – è l'economia d'electricidad da zunt gronda purtada per noss chantun ed in bun bain d'export. Vitiers vegn ch'ella porscha radund 1000 plazs da lavur. Ultra da quai profiteschon chantun e vischnancas da taglias e bonificaziuns or dal niz da l'aua sco materia prima.

L'economia d'electricidad viva dal partenadi tranter chantun e vischnancas e las societads da chantuns e citads en la Bassa. Be 17 pertschient sa chattan en possess da chantun e vischnancas. Ins quinta da pudair schlargiar quella cumpart tras il return a tschep dad ovras u novas construidas. En vista al fatg ch'i dat adina dapli energia alternativa vegn la cumpart da la forza idraulica a sa sbassar da 98 sin anc adina 93%. La forza electrica resta pia tuttina ina impurtanta re-sursa d'energia per il Grischun.

Insaquants facturs ed aspects impurtants

Era sche nus savain strusch s'imaginar ina vita senza electricidad enconuschan blers fitg pauc da quella energia, auter ch'ella vegn ord la bischla da contact. Quel fatg preschenta in'emprima contribuziun. In'otra descriva intgins bels lais da fermada. I dettia er auters pervia da lur mirs.

Interessant è d'intervignir che lampas electricas han glischà en Svizra 1879 per l'emprima giada en l'Engiadina en l'hotel Kulm a S. Murezzan. I ha duvrà millis onns fin che l'emprim generatur è vegnì mess en funcziun cun aua. Savens èsi er uschia che là, nua ch'ins ha eregi im-



Il frontispizi da la broschura «Terra Grischuna».

MAD

plants electric, haja igl era dà infrastructuras en servetsch da la publicitad. Uschia han ils tschains d'aua pussibilità a Val S. Pieder da daventar in lieu turistic internaziunal. Era Tujetsch fa diever da la pendiculara da Sedrun sin il Tgom ch'era oriundamain in indriz per construir ils implants dal Rain anteriur.

Garantir la segirezza tar lais da fermada è cumond suprem ed ils responsabels èn sa dads gronda fadia persuerter. – Tranter 2035 e 2050 scadan las pli bleras concessiuns d'implants electrici en il Grischun. Noss chantun quinta uschia da vegnir tar ina pli gronda cumpart. La discussiun davart novas concessiuns vegn instradada ils proxims onns. – Il

cussegl federal ha decidì da sa retrair successivamain da la forza nucleara. Quai munta ina gronda sfida, siond che la mancanza da forza nucleara na po betg vegnir remplazzada sulet tras pli grondas ed effizientas ovras idraulicas. Igl è pia da tschertgar novas funtaunas persuerter.

Gia pli che 300 vischnancas en Svizra possedan l'etichetta (label): Citad d'energia. En il Grischun èsi 16 che han survegnì questa distincziun per lur politica d'energia persistenta. Talas sa chattan en tuttas regiuns da noss chantun.

Sco adina bain illustrà e preschentà renda la nova «Terra Grischuna» attent a la muntada da la forza electrica per il Grischun – e quai sut plirs aspects relevants.